



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education**

Broj: 11-07/02-11-1683/22  
Sarajevo, 20.01.2022. godine

Na osnovu člana 10. stav (1) tačka d), člana 18. stav (2), a u vezi sa članom 36. stav (1) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) ministrica Ministarstva za odgoj i obrazovanje Kantona Sarajevo, donosi:

**ODLUKU**  
**o izuzeću od primjene Zakona o javnim nabavkama BiH**

**Član 1.**

Od primjene Zakona o javnim nabavkama BiH izuzimaju se nabavke usluga objavljivanja obavještenja u službenom glasniku i pretplate na službeni glasnik. Procjenjena vrijednost ove nabavke je: 7.000,00 KM bez PDV-a.

**Član 2.**

Sredstva potrebna za realizaciju javne nabavke za 2022. godinu iz ove odluke obezbjeđena su u Nacrtu Budžeta Kantona Sarajevo za 2022. godinu na razdjelu Ministarstvo za odgoj i obrazovanje Kantona Sarajevo, ekonomski kod 613900 LAK007 – „Ostale ugovorene usluge.“

**Član 3.**

Ova Odluka stupa na snagu danom donošenja i biti će objavljena na službenoj stranici Ministarstva za odgoj i obrazovanje Kantona Sarajevo.

**O b r a z l o ž e n j e**

Odredbama Zakona o službenom glasniku Bosne i Hercegovine („Službeni glasnik BiH“, broj: 1/97, 9/04, 103/09, 100/13), Zakona o Službenim novinama FBiH („Službene novine FBiH“, broj 1/94), Zakona o objavljivanju propisa i drugih općih akata u „Službenim novinama Kantona Sarajevo“ („Službene novine KS“, broj: 18/11, 36/15, 11/19) propisano je da se zakoni, podzakonki akti, statuti, rješenja, odluke i drugi akti koji su od javnog interesa ili su od interesa za preduzeća, ustanove, druge organizacije i građane, objavljuju u „Službenom glasniku BiH“, „Službenim novinama FBiH“ i „Službenim novinama KS“, zavisno od nivoa vlasti na kom je akt donesen i teritorije na koju se odnosi. Obzirom da za predmet nabavke naveden u članu 1. ove Odluke, tržište za vršenje navedenih usluga nije otvoreno za konkurenciju, navedeni predmet nabavke može se nabaviti samo od dobavljača JP NIO „Službeni list BiH“ Sarajevo, a koji je izdavač „Službenog glasnika BiH“, „Službenih novinama FBiH“ i „Službenih novinama KS“. Zakonski je utvrđeno šta se u kom službenom glasniku objavljuje, tako da JP NIO „Službeni list BiH“ Sarajevo ima zakonski monopol štampanja i distribucije glasnika. U skladu sa članom 36. stav (1) Zakona o javnim nabavkama BiH („Službene novine BiH“, broj 39/14) Obavještenja o nabavci, o dodjeli ugovora, o poništenju postupka javne nabavke, dobrovoljno ex ante obavještenje o transparentnosti i prethodno informaciono obavještenje, kao i sažetak obavještenja o nabavci na engleskom jeziku, ugovorni organ objavljuje na portalu javnih nabavki. Sažetak svih obavještenja objavljuje se u "Službenom glasniku BiH".

U skladu sa navedenim odlučeno je kao u članu 1. ove Odluke.

**POUKA O PRAVNOM LIJEKU:** Protiv ove Odluke žalba nije dopuštena.

**PO OVLASTENJU MINISTRICE**  
**POMOĆNIK MINISTRA**  
**Ezudin Kurtović**

Dostaviti:

- Ministarstvo za odgoj i obrazovanje Kanton Sarajevo.
- Arhiva.



web: <https://mo.ks.gov.ba>  
e-mail: [mo@mo.ks.gov.ba](mailto:mo@mo.ks.gov.ba)  
Tel: + 387 (0) 33 562-128

Sarajevo, Reisa Džemaludina Čauševića 1

